

## ZAPISNIK

sa **dvanaeste** vanredne sjednice Upravnog odbora Univerziteta u Tuzli održane u **četvrtak 13.10.2022.** godine, sa početkom u **15,00 sati** u Sali za sjednice Rektorata Univerziteta u Tuzli

Na dvanaestoj vanrednoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Anita Petrović, vanr. prof, dr. sci. Franc Andrejaš, vanr.prof.

Sjednici nije prisustvovala, Adela Šaldić.

Osim članova Upravnog odbora sjednici su prisustvovali: Prorektor za naučno-istraživački rad, dr. sci. Nermin Sarajlić, red. prof., kao zamjenik Rektorice Univerziteta po punomoći, te Generalni sekretar Jasmina Berbić, dipl. pravnik.

Sjednici je prisustvovao i Ahmo Muhić, dipl. pravnik, sekretar Upravnog odbora.

Predsjednik Upravnog odbora je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio dvanaestu vanrednu sjednicu Upravnog odbora.

Predložio je i obrazložio razloge za izmjene i dopune dnevnog reda na način da se predložena tačka 2 razmori kao tačka 3., a da se kao nova tačka 2. razmotri: Utvrđivanje prijedloga Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23.godine: Takođe, iz razloga što je na Zahtjevu upućenom Upravnom odboru napisano: „vrlo žurno“, predložio je i novu tačku 4: „Razmatranje Zahtjeva Ismeta Beganovića, advokata iz Tuzle, punomoćnika JU Univerzitet u Tuzli i dr. sci. Nermine Hadžigrahić, red. prof. od 11.10.2022. godine za odlaganje izvršenja osporenog upravnog akta.

Kako drugih prijedloga nije bilo, a nakon što je Upravni odbor jednoglasno usvojio prijedlog za izmjene i dopune dnevnog reda, za ovu sjednicu, takođe jednoglasno je usvojio sljedeći

### DNEVNI RED:

1. Donošenje Odluke o izmjeni Odluke o konstituisanju Upravnog odbora Univerziteta u Tuzli
2. Utvrđivanje prijedloga Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
3. Razmatranje Informacije Rektorice Univerziteta u Tuzli broj: 01-5531-1/22 od 06.10.2022. godine, dostavljene po Zaključku Upravnog odbora broj: 04-5268-1-8/22 od 30.09.2022.godine, u vezi sa provedenim inspekcijским nadzorom koji se odnosi na postupak izbora i imenovanja Generalnog sekretara Univerziteta u Tuzli.
4. Razmatranje Zahtjeva Ismeta Beganovića, advokata iz Tuzle, punomoćnika JU Univerzitet u Tuzli i dr. sci. Nermine Hadžigrahić, red. prof. od 11.10.2022. godine za odlaganje izvršenja osporenog upravnog akta.

### Rad na sjednici:

#### TAČKA 1.

#### **Donošenje Odluke o izmjeni Odluke o konstituisanju Upravnog odbora Univerziteta u Tuzli**

Predsjednik Upravnog odbora je pozvao Sekretara Upravnog odbora Ahmu Muhića dipl. pravnika, da Upravnom odboru ubrazloži razloge za izmjenu Odluke o konstituisanju Upravnog odbora.

Nakon što je Sekretar Upravnog odbora informisao prisutne članovce Upravnog odbora sa sadržajem Odluke Senata Univerziteta broj: 03-4916-2-20.1/22 od 22.09.2022.godine, prema kojoj je Amra Šehić, član Upravnog odbora iz reda Studenata razriješen članstva u Upravnom odboru zbog prestanka statusa studenta, Upravni Odbor je jednoglasno donio

## ODLUKU

### o izmjeni Odluke o konstituisanju Upravnog odbora Univerziteta u Tuzli

#### I

U tački I Odluke o konstituisanju Upravnog odbora Univerziteta u Tuzli broj: 04-3350-1.1/21 od 16.07.2021. godine i broj 04-5017-1-1/21 od 30.09.2021. godine, podtačka 9, briše se.

#### II

Ova Odluka stupa na snagu danom donošenja.

#### **TAČKA 2.**

#### **Utvrđivanje prijedloga Odluke o dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23.**

Predsjednik Upravnog odbora je upoznao prisutne članove Upravnog odbora sa sadržajem Prijedloga Rektorice za izmjene i dopune predmetne Odluke te predložio da se odlučivanje odloži za narednu sjednicu kako bi se Prijedlog cjelovito sagledao u kontekstu odgovarajućih odredaba iz osnovne odluke u cilju pravilnog odlučivanja, te je upoznao prisutne članove Upravnog odbora da je od Ministarstva obrazovanja i nauke TK obaviješten da je će Ministarstvo, najkasnije u toku sutrašnjeg dana dostaviti Upravnom odboru i svoj akt kojim će predložiti odgovarajuće izmjene i dopune predmetne Odluke.

Predložio je da se i taj prijedlog Ministarstva sačeka, te da se na idućoj sjednici oba prijedloga cjelovito razmotre. Uputio je da Prijedlog Rektorice, Sekretar Upravnog odbora dostavi elektronskim putem svim članovima Upravnog odbora. Prijedlog Predsjednika je jednoglasno usvojen.

#### **TAČKA 3.**

#### **Razmatranje Informacije Rektorice Univerziteta u Tuzli broj: 01-5531-1/22 od 06.10.2022. godine, dostavljene po Zaključku Upravnog odbora broj: 04-5268-1-8/22 od 30.09.2022.godine, u vezi sa provedenim inspeksijskim nadzorom koji se odnosi na postupak izbora i imenovanja Generalnog sekretara Univerziteta u Tuzli.**

Uvodne napomene je dao Predsjednik Upravnog odbora, prof. dr. sc. Semir Ahmetbegović. Obavijestio je prisutne članove Upravnog odbora sa sadržajem Informacije Rektorice, te pregledu svih priloga uz istu. Naglasio je da je informacija dostavljena na osnovu Zaključka Upravnog odbora sa sjednice od 30.09.2022. godine, a sve u vezi sa inspeksijskim nadzorom na Univerzitetu. Konstatovao je da je Rektorica blagovremeno dostavila Upravnom odboru Informaciju sa pravnim aktima u prilogu. Istakao je da je kao Predsjednik Upravnog odbora, po prijemu Informacije i priloga ocijenio da ima potrebu da zakaže vanrednu sjednicu Upravnog odbora kako bi članovima upravnog odbora bila dostavljena Informacija i prilozi koji se odnose na navedeni predmet. Obavijestio je da je Informacija datirana na dan 06.10.2022. godine. Posebno je ukazao na navod iz Rješenja Glavnog kantonalnog inspektora u vezi sa primjenom odredbe člana 93. Statuta Univerziteta, te činjenicu da je žalba Univerziteta na predmetno rješenje odbijena drugostepenim rješenjem Ministarstva obrazovanja i nauke TK.

Nakon diskusije u kojoj je naglašeno da Upravni odbor ima pravo da bude obaviješten o aktima koji imaju veze sa pitanjem izbora i imenovanja Generalnog sekretara, da Rektor nije nadležan za izvršenje rješenja ali je dužan isto dostaviti na razmatranje jer Upravni odbor po Zakonu i Statutu bira i imenuje Generalnog sekretara. Konstatovano je da su svi prilozi dostavljeni u fotokopiji.

Istaknuto je da je uvijek postojala dobra namjera Upravnog odbora da saradjuje sa Menadmentom Univerziteta tako da ovakvo postupanje Menadžmenta Univerziteta nije opravdano.

U toku diskusije Generalni sekretar je istakla da: „ništa od ovih rješenja nije stavljeno na Upravni odbor, te dodala: „Vi ste sada ovdje instrumentalizirani od strane politike da radite ovo što radite“. Nakon što ju je Predsjednik upozorio da o tome nema pravo da diskutuje, imenovana je nastavila: „vi ste kazali da ste o svemu obaviješteni od vijećnika u skupštini. Ja znam ko je on, a zašto on koji zastupa javni interes to nije postavio kao poslaničko pitanje“. Predsjednik je prekinuo takvu diskusiju i saopštio da Generalnom sekretaru oduzima riječ u skladu sa Poslovníkom o radu Upravnog odbora.

Nakon diskusije, Upravni odbor je jednoglasno donio

## ZAKLJUČAK

Prima se k znanju Informacija Rektorice Univerzuiteta u Tuzli broj: 01-5531-1/22 od 06.10.2022. godine, sa svim prilogima.

Takođe, u okviru ove tačke dnevnog reda Upravni odbor je jednoglasno donio i sljedeći

## ZAKLJUČAK

### I

Traži se od Rektorice Univerzuiteta u Tuzli da Upravnom odboru Univerziteta u Tuzli dostavi Rješenje Glavnog kantonalnog inspektora za obrazovanje, nauku kulturu i sport Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine i Rješenje Ministarstva obrazovanja i nauke Tuzlanskog kantona broj:UP2-10/1-30-000197-22 od 14.07.2022. godine.

### II

Akti iz tačke I dostaviti će se Upravnom odboru uz propratni akt u roku od 7 dana od dana prijema ovog Zaključka.

### TAČKA 4.

**Razmatranje Zahtjeva Ismeta Beganovića, advokata iz Tuzle, punomoćnika JU Univerzitet u Tuzli i dr. sci. Nermine Hadžigrahić, red. prof. od 11.10.2022. godine za odlaganje izvršenja osporenog upravnog akta.**

Uvodne napomene je dao Predsjednik Upravnog odbora, prof. dr. sc. Semir Ahmetbegović.

Upoznao je članove Upravnog odbora sa predmetnim zahtjevom i prilogima dostavljenim uz isti i to: Tužbom tužitelja JU Univerzitet u Tuzli i Nermine Hadžigrahić, Rektora Univerziteta u Tuzli zastupani po Ismetu Beganoviću, Minki Pašići i Mirzi Hrustiću, advokatima iz Tuzle, protiv tuženih Rješenje kantonalne uprave za inspekcijskeposlove broj: 17/4-VI -34-00411622 od 27.05.2022.godine i RješenjaMinistarstva obrazovanja i nauke TK broj: UP2- 1 0/1 -30-000197-22 od 14.07.2022.godine. Konstatovao je da se traži žurno postupanje Upravnog odbora, a akti čije odlaganje izvršenja se traži nisu ni dostavljeni Upravnom odboru.

U toku diskusije je istaknuto kako je u tužbi navedeno da Univerzitet pet godina radi po nezakonitom Statutu te da je Generalni sekretar dao punomoć advokatskoj kancelariji koja je to u tužbi napisala. Nakon diskusije Upravni odbor je većinom glasova od ukupnog broja članova donio

## ZAKLJUČAK

Upravni odbor Univerziteta u Tuzli još uvijek nije određen/utvrđen kao organ izvršenja Rješenja broj:17/4-VI-34-004116/22 od 27.05.2022. godine pa time Upravni odbor ne može o ovom Zahtjevu broj: 04-5719-2 od 13.10.2022. godine odlučivati, stoga se isti odbacuje kao preuranjen.

Nakon što su pitanja po tačkama dnevnog reda iscrpljena, predsjednik Upravnog odbora je zaključio sjednicu u 18 sati i 03 minute.

## ZAPISNIK SAČINIO

Ahmo Muhić, dipl.pravnik  
UNIVERZITET U TUZLI  
Broj: 04-5645-1/22  
Tuzla, 13.10.2022.godine

PREDSJEDNIK  
UPRAVNOG ODBORA

dr.sc. Semir Ahmetbegović, vanr.prof.

